

## **Resolución do 25 de Agosto de 2023 da Dirección do INTECMAR, pola que se procede á modificación da clasificación de diferentes zonas de produción de moluscos bivalvos.**

O Regulamento (CE) nº 853/2004, do Parlamento Europeo e do Consello do 29 de abril de 2004 polo que se establecen normas específicas de hixiene dos alimentos de orixe animal, establece no punto 1 do apartado A do capítulo II, que so se poderán recoller moluscos bivalvos vivos en zonas de produción con localización e límites fixos, clasificados pola autoridade competente, como pertencentes á clase A, B ou C con arranxo ao Regulamento de execución (UE) 2019/627 da Comisión do 15 de marzo de 2019 polo que se establecen disposicións prácticas uniformes para a realización de controis oficiais dos produtos de orixe animal destinados ao consumo humano, de conformidade co Regulamento (UE) 2017/625 do Parlamento Europeo e do Consello, e polo que se modifica o Regulamento (CE) nº 2074/2005 da Comisión no que atinxe aos controis oficiais.

Polo tanto é a autoridade competente quen debe determinar a localización e os límites das zonas tanto de produción como de reinstalación que se clasifiquen.

A Orde do 19 de xullo de 2010 pola que se modifica a Orde de 8 de setembro de 2006 pola que se declaran e clasifican as zonas de produción de moluscos bivalvos e outros invertebrados mariños nas augas de competencia da Comunidade Autónoma de Galicia, establece nos seus anexos I e II as zonas de produción resultado dunha profunda revisión.

O artigo 4º da Orde de 8 de setembro de 2006 pola que se declaran e clasifican as zonas de produción de moluscos bivalvos e outros invertebrados mariños indica que *"cando os controis establecidos nas zonas de produción demostran unha modificación das condicións que determinaron a súa clasificación, a Dirección do Instituto Tecnolóxico para o Control do Medio Mariño de Galicia (INTECMAR), mediante resolución, prohibirá a recollida e explotación de moluscos bivalvos, gasterópodos ou equinodermos na zona da que se trate ou procederá ao cambio de clasificación da zona de produción que poderá ser periódico ou temporal, ata que se restablezan as condicións orixinais"*.

Para garantir a idoneidade dos produtos extraídos nas diferentes zonas, a Consellería do Mar, a través do INTECMAR, realiza os controis de todas as zonas de produción de acordo cos regulamentos que resulten de aplicación.

Nos resultados dos controis efectuados nas distintas zonas de produción detectouse que hai niveis de *E. coli* que ofrecen resultados diferentes aos que determinaban a clasificación establecida no anexo I da Orde de 19 de xullo de 2010 que modifica a Orde de 8 de setembro de 2006 e modificacións posteriores do dito anexo I (<http://www.intecmar.gal/informacion/microbio/Clasificacion.aspx>).



En virtude do exposto anteriormente, a Dirección do INTECMAR:

### RESOLVE

Proceder ao cambio de clasificación das seguintes zonas de produción que quedarían definida como se indica a continuación:

Clave	Area de produción	Límites da zona	Coordenadas UTM (ED-50)	Clase	Comentario
GAL-03	Zona entre cabo Prior e punta Coitelada			Moluscos Bivalvos	
GAL-03	GAL-03/01 Zona cabo Prior - Doniños	- Zona que vai desde cabo Prior a pta. Coitelada, agás a ría de Ferrol	(555380, 4824475) (555425, 4810680)	B	Estable
GAL-10	Zona entre punta Miranda e cabo Home, incluíndo o arquipélago das illas Ons			Moluscos Bivalvos	
GAL-10	GAL-10/08-3 Zona este do banco dos Praceres	- Zona delimitada polo norte co dique sur do río, polo oeste coa liña imaxinaria que vai do peirao de Lourido a pta. Praceres, polo sur coa liña imaxinaria que vai de Pedra Froxán á baliza verde situada no extremo oeste do dique sur do río, e polo este coa liña de costa.	(527810, 4696842) (526898, 4696587)  (527010, 4696755) (526050, 4695290)  (526675, 4695682) (526384, 4695801)	B	Estable
GAL-11	Franxa litoral desde cabo Home ata A Guarda, límite con Portugal, incluíndo o arquipélago das illas Cíes			Moluscos Bivalvos	
GAL-11	GAL-11/06-2 Enseada de Larache	- Zona delimitada pola liña imaxinaria que une pta. Ullo, illa Erbedosa leste e a zona sur do viveiro de Fonte Mollada, cara ao interior da ría	(531105, 4688450) (531195, 4687790) (530040, 4686885)	B	Estable

Clave	Area de produción	Límites da zona	Especie	Clase	Comentario
GAL-25/02	Ría de Arousa	Polígono O Grove C2	Cultivo en viveiros	B	Estable

Contra esta resolución, que non esgota a vía administrativa, poderase interpoñer recurso de alzada, no prazo dun mes, ante a presidenta do consello de administración do INTECMAR, contado dende o día seguinte ao da súa publicación na páxina web do INTECMAR, de conformidade co disposto nos artigos 121 e seguintes da Lei 39/2015, do 1 de outubro, do procedemento administrativo común das administracións públicas e o artigo 4º da Lei 3/2004, do 7 de xuño, de creación do Instituto Tecnolóxico para o Control do Medio Mariño de Galicia.



Esta resolución producirá efectos dende o día seguinte ao da súa publicación na páxina web do INTECMAR.

Vilaxoán, a 25 de Agosto de 2023

Covadonga Salgado Blanco  
A directora do INTECMAR

